

# Mi mes no por bai vota dia 15 di mart, mi por pidi un otro hende pa vota pa mi?

Bo mes no por bai vota, por ehèmpel pasobra bo ta malu, òf pasobra bo ta den eksterior? E ora ei, bo por pidi un otro votadó pa vota pa bo. Esei yama outorisá. Bo ta outorisá un hende solaménte ora realmente bo no por bai vota, bo mes.



## Abo ta skohe

Bo mes ta skohe si bo ke pidi un otro hende pa vota pa bo. Un otro hende no por pidi bo òf pone preshon riba bo pa dun'e bo karchi di vota. Ta bo mes ta skohe tambe ken bo ta pidi pa vota pa bo. Pues, nunca duna hende bo karchi di vota sin mas.



## Kastigabel

Abusu di e posibilidat pa vota ku un outorisashon ta kastigabel. Lei ta prohibí pa soborná un hende òf pa priminti' é un regalo komo kambio di su karchi di vota. Ta kastigabel tambe pa laga hende soborná bo pa duna nan bo karchi di vota.



## Kon outorisashon ta funshoná?

Pa outorisá un otro persona, bo ta yena e parti patras di bo karchi di vota. Promé bo ta yena bo propio datonan, despues esnan di e persona ku bo ke outorisá. Tambe bo ta buta bo firma riba e parti patras di e karchi di vota. Ku esei bo ta deklará ken por bai vota na bo nòmber. Tambe bo ta duna un kopia di bo prueba di identidat na e votadó ku ta vota pa bo.



Bo por outorisá otro votadó por eskrito, tambe. Bo ke sa kon esei ta funshoná?

Wak riba [www.rijksdienstcn.com/kolegioelektoral2023](http://www.rijksdienstcn.com/kolegioelektoral2023).



## Ken mi por outorisá?

Bo por outorisá un persona ora e hende ei:

- tambe por vota pa mesun elekshon, e mes
- ta biba riba mesun isla ku abo
- ta vota na nòmber di bo na mes momentu ku e mes ta vota

Na tur, un votadó por vota pa un máksimo di dos otro votadó durante un elekshon.

*Si no ta posibel pa un empleado vota promé òf despues di ora di trabou, e dunadó di trabou tin e deber di duna e empleado tempu pa hasi esaki. Empleadonan por haña un máksimo di 2 ora di ferlof.*



## Mas informashon tokante e elekshonnan

Pa mas informashon tokante e elekshonnan i outorisashon, wak riba [www.rijksdienstcn.com](http://www.rijksdienstcn.com).